

Semua Pengarah Bahagian

(22) dlm. PPS.
2 CUB Jld. 3

Semua Pengarah Pengairan dan Saliran Negeri

9 April 1997

Semua Jurutera Projek

Semua Ketua Cawangan/Unit
Ibu Pejabat JPS,
Malaysia

Semua Jurutera Daerah/Wilayah.

Tuan,

**Pindaan Kepada Surat Pekeliling JPS. UB. 1/1995 dan 2/1995
Penurunan Kuasa Di dalam Urusan Tender
dan Pentadbiran Kontrak**

Perkara di atas adalah dirujuk.

2. Adalah dimaklumkan buat masa ini Bahagian Ukur Bahan sedang menghadapi masalah kekurangan Juruukur Bahan yang sangat kritikal dan dijangka tidak akan dapat di atasi di dalam tempoh masa yang singkat ini. Masalah kekurangan kakitangan juga dihadapi oleh beberapa Bahagian lain di Ibu Pejabat dan ini telah mengakibatkan banyak kerja-kerja tertangguh/terlewat dan tidak dapat berjalan dengan lancarnya.

3. Sehubungan dengan itu, sebagai langkah untuk mengatasi masalah ini, beberapa proses semakan/pengauditan yang dijalankan oleh Bahagian Ukur Bahan/Ibu Pejabat, telah diputuskan untuk diturunkan (decentralise) dan dipertanggungjawabkan kepada Pengarah Negeri/Jurutera Projek untuk melaksanakannya. Langkah ini adalah wajar memandangkan bilangan pegawai kanan, terutamanya Jurutera J2 di Negeri-negeri telah bertambah dan Gred jawatan serta had-had kuasa pentadbiran kontrak bagi kebanyakan Pengarah Negeri juga telah dinaikkan.

4. Aktiviti-aktiviti yang telah dikenalpasti adalah:

- (i) Semakan ke atas Dokumen Tender dan Kontrak,
- (ii) Semakan ke atas Laporan Penilaian Tender yang akan dibawa ke Lembaga Perolehan Peringkat Negeri, dan
- (iii) Semakan dan Kelulusan Perakuan Bayaran Interim.

Penjelasan terperinci berhubung aktiviti yang terlibat, Surat Pekeliling berkaitan, peraturan semasa serta peraturan-peraturan baru ini adalah seperti diterangkan dalam Jadual di Lampiran A.

5. Bagi mengelakkan pertindihan tugas, semua dokumen, perakuan dan sijil-sijil yang telah disemak oleh Juruukur Bahan/Pembantu Teknik Ukur Bahan di Negeri/Projek tidak lagi perlu dihantar untuk semakan oleh Juruukur Bahan di Ibu Pejabat dan boleh terus dihantar untuk tandatangan/diambil tindakan selanjutnya, kecuali dalam keadaan-keadaan seperti yang dinyatakan dalam Lampiran A.

6. Peraturan-peraturan di atas adalah berkuatkuasa mulai tarikh surat ini dan dengan ini juga perenggan-perenggan yang berkaitan dalam Surat Pekeliling JPS. UB. 1/1995 dan 2/1995, setakat mana yang bercanggah dengan peraturan baru seperti di Lampiran A adalah dibatalkan. Sila pihak tuan mengambil tindakan sewajarnya untuk melaksanakan tanggungjawab ini.

Sekian. Terima kasih.

"BERKHIDMAT UNTUK NEGARA"
"CINTAILAH SUNGAI KITA"

(IR. NEO TONG LEE)

Ketua Pengarah,
Jabatan Pengairan dan Saliran,
Malaysia.

s.k. - Timbalan Ketua Pengarah I
 - Timbalan Ketua Pengarah II
 - Semua Juruukur Bahan/Pembantu Teknik Ukur Bahan.